



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-04/02-04-32093-155/24  
Sarajevo, 11.09.2024. godine

## SKUPŠTINA KANTONA SARAJEVO

– ovdje–

**PREDMET:** Odgovor na zastupničku inicijativu – zastupnica Jelena Pekić

Zastupnica Jelena Pekić je Ministarstvu za odgoj i obrazovanje Kantona Sarajevo, na 16. radnoj sjednici Skupštine Kantona Sarajevo, uputila zastupničku inicijativu, u skladu sa članom 213. Poslovnika Skupštine Kantona Sarajevo, citiramo:

*„Da se u Budžetu za 2025. godinu planiraju sredstva na poziciji Ministarstva za uspostavljanje produženog boravka u svim školama u Kantonu Sarajevo tamo gdje imaju ispunjeni uslovi po pedagoškim standardima, a u skladu sa novim Zakonom o odgoju i obrazovanju u osnovnoj i srednjoj školi u Kantonu Sarajevo. Također, ukoliko se uštede ili ne potroše sva finansijska sredstva u 2024. godini, iniciram da se ista preusmjere u date namjene u skladu sa mogućnostima i zakonskim okvirima. Ovom prilikom predlažem da se uspostavi i saradnja sa opštinama na čijoj teritoriji se nalaze škole, kako bi se planirala zajednička ulaganja Vlade KS i opština, te Grada Sarajeva. Opštine na taj način zadržavaju mlade porodice na području svoje opštine, jer često nedostatak sadržaja poput dostupnosti vrtića, produženog boravka su razlozi napuštanja pojedine opštine i preseljenja na drugu lokaciju, kao što je npr. u opštini Stari Grad Sarajevo.“*

### ODGOVOR:

U vezi sa navedenim, ovim putem Vas obavještavamo da je Vlada Kantona Sarajevo donijela Odluku o davanju saglasnosti na program sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo u školskoj 2024./2025. godini, broj: 02-04-39650-31/24, od 22.08.2024. godine.

Programom sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo u školskoj 2024./2025. godini, broj: 11-07-34-40976/24, od 03.09.2024. godine, predviđeno je da se, iz Budžeta Kantona Sarajevo finansiraju troškovi: adaptacije i opremanja prostora za organizaciju produženog boravka, bruto plaće i naknade troškova zaposlenih radnika u produženom boravku, režijski troškovi i didaktički materijal i dio troškova ishrane.



Produženi boravak je prepoznat isključivo kao oblik odgojno-obrazovnog rada u osnovnoj školi, u skladu sa članom 46. stav (5) Zakona o odgoju i obrazovanju u osnovnoj i srednjoj školi („Službene novine Kantona Sarajevo“, broj: 27/24), kojim je propisano, citiramo:

„(5) Redovna osnovna škola i centar su obavezni da organizuju produženi boravak učenika kao poseban oblik odgojno-obrazovnog rada, u skladu sa pedagoškim standardima i normativima, a isti može biti sufinansiran iz Budžeta Kantona Sarajevo.“

Nakon što osnovne škole, što je predviđeno navedenim programom, dostave podatke koji se odnose na rad produženog boravka, Ministarstvo će izvršiti monitoring i kontrolu realizacije programa što će biti polazna osnova za dalje programiranje sufinansiranja produženog boravka u osnovnim školama kao javnim ustanovama na području Kantona Sarajevo.

U tom smislu će se razmotriti i mogućnosti navedene u ovoj zastupničkoj inicijativi.

S poštovanjem,

MINISTRIČA

*Naida Hotić-Muminović*

Dostaviti:

1. Naslovu,
2. Stručna služba Vlade kantona Sarajevo,
3. Evidenciji
4. Arhivi